



Jumat, 13 November 2020
Ogen: Lukas 14:28-33



"NGATURKEN PERBELITEN JABU"



Adi ngerana kerna jabu tentu saja lit hubungenna ras Bapa, nande ras anak sabap eme si ikataken jabu. Kerina anggota bas jabu tentuna nggo me lit tugas ras tanggung jawabna masing-masing subuk kerna dahin i jabu bagepe dahin i luar jabu. Amin kerina arus arih-arih tapi pembagin rikut ras tanggungjawab ndai tetap terkontrol sada ras sidebanna. Termasuk pengelolaan ekonomi, perbeliten ibas jabu gelah ratur, la kari belinen pengeluaran asangkan pendapaten bagepe la si asak-asak bana sue ras sura-sura tep-tep kalak ibas jabu e.

Arah renungenta paksa enda ijemba kita rikut kitab Lukas 14:28-33, ijenda ituriken kersa sarat jadi ajar-ajar Jesus. Ibas kai pe kepe arus lit ibahan perencanaan, la banci jupa je, kai akap meriah e lakoken. Perumpamaan kerna erbahan menara ras anggaren biayana, tasak arus iukuri she maka ibenaken adi la sikap perencanaan banci lolo bangun e. Bage ka me kepe ibas jabu, arus irencanakan asa kai siiperluken janah uga Buena siman paken ibas dahin-dahin si perlu, kebutuhen si perlu ras sidebanna. Pengaturen si bage rupana erbahanca jabu e sikap. Ngaturken perbeliten jabu iakap Jesus jadi sada perbahanen si mehuli si harusna isikapken kerina jabu si erkemalangen man Dibata, gelah jabu e banci jadi jabu si sempabu, si dame ras meteh kengasupenna ndahiken kai pe. La sitik siidah kalak situhuna 'bayak' tapi dungna bangkrut erkiteken la beluh ngelola si lit ibas ia, boros, si la perlu pe itukuri ras sidebanna. Emaka lit siiperlu si pertimbangken ibas nukur kai pe 'perlu, la perlu ras she kal perluna'

Salah sada kutipan tokoh Teologi Eropa Stanley Douper ngatakenca 'ingatlah untuk selalu melihat apa yang dibutuhkan keluargamu, semakin engkau tahu apa yang keluargamu butuhkan, berkat Tuhan juga akan semakin dekat'. Kutipan enda jadi sada motivasi man kerina jabu guna mediate nandangi jabuna sekalak-sekalak. Ngaturken perbeliten jabu bagi Jesus pe ngaturken kerna kerina dahin ajar-ajarna gelah sikap kegeluhen ajar-ajarNa ibas ngikutken la. Dibata me palas ibas jabu, tentu jabu si erkemalangen man baNa isampatiNa, ipegegehiNa, iperdiatekenNa. Aturkenlah perbeliten jabundu segelah, dame jabundu.